



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apotheca Spiritvalivm Pharmacorvm Contra Lvem
Contagiosam Aliosqve Morbos**

Wichmans, Augustin

Antverpiae, 1626

Septimo Idus Nouemb.

urn:nbn:de:hbz:466:1-9653

E C C L E S I A S T I C V . M.

37

mis seruiāt sani, an propinqui cognatos piē diligāt, an misereātur ser-
uorū languentiū domini, an deprecantes egros nō deserant Pastores?

*Vt mater egris astitit, ita vnumquemq; pastorū, vnumquemq; supe- Ad Eug.
riorum admonet S. Bernardus, vt se matres suis subditis exhibeant, vt de coali,
charitatis vbera eis præbeant, non crudelitatis vulnera infligant. Si-
cut enim mater sordibus, ciulatu, lasciuia, malitia, milleque fastidijs
paruuli sui nō offenditur vt eius curam abijciat, sed hæc omnia
materno affectu deuorat, dicitque, quod vulgo dicunt matres rogan-
tibus, Quomodo hæc à puerō tuo toleras? Mater sum, mater infantī
suo irasci nequit; immò hisce eius ineptijs magis accenditur eius erga
illum amor. Et si quis eam arguat, dicit: Nescis quid sit esse matrem. ma-
ternum cor quale & quantum sit ignoras. matris affectum quantus sit, nemo
scit nisi expertus, nisi que fuit aut est mater. Ita hic Sanctus Episcopus, licet
sepius à suis subditis, varijs grauissimisque affectus esset molestijs &
iniurijs, omnium tamen illarum immemor, talia illis pestilentia tem-
pore impendit obsequia, qualia ne ardentissimi quidem affectus ma-
tres tenerrimis suis filijs auderent tunc impendere. Sed de eo plura,
vbi Deo & superioribus placuerit, in Diario Ecclesiastico de SS. Ju-
reconsultis, inter quos non minimus & hic fuit.*

Præter sacrae eius exuvias, quæ in Collegiate D. Petri Ecclesia Lo-
uanij asseruantur, etiam in Monasterio Minimorum Anderlaci pro-
pe Bruxellam, ornamenta nonnulla sacerdotalia, quibus in sacris ce-
lebrandis usus est à Frederico Borromæo, successore eius & nepote,
transmissa visuntur.

Septimo Idus Nouemb.

In Frisia depositio S. Villibrordi Episcopi Tra-
iectensis, qui à B. Sergio Papa ordinatus Episco-
pus, in Frisia & Dania Euangelium prædicauit.

7.
Nouem.
Vide cap.
45. Apot.
Spir. fol.
228.

ITa Martyrologium Romanum : vbi Baronius statim subij-
cit : Barbarum ac pronuntiatu asperum nomen Sergius Papa,
cùm illum Romæ in Ecclesia S. Cæciliae ordinaret Episco-
pum, mutauit in Clementem; tamen priori nomine potius
appellatus reperitur. Alibi vocatur, Clementius, vt in altari
Ecclesiae Diesensis, Tungerloæ quoad curam Pastoralem subiectæ,
legitur;

K

74
legitur; ubi etiam frequenti diuersarum nationum concurso visita-
tur, ac contra pestem solet hodieque inuocari, sicut & in Alphen & in
Poppel. Ecclesijs nostris parochialibus, quos tres pagos S. Willebror-
dus testamēto suo, legauit olim Cœnobio Epternacensi, vocanturq;
ibidem, villa Pieplo, id est, Poppel hodie, villa Alpheim, hodie Alphen, &
villa Diosna, hodie Diesen, super fluuiο Digena. Verum de nomine eius,
quod non malè, *VVilligbrod*, id est, panis voluntarius, scripsieris, hosce
versus aliquando lusi.

Barbarus hic ego sum, quia non intelligor vñi :

Et quia diuiso ab Orbe, Britannus adest.

Barbarus at non suum ; sed promptus panis I E S V,

Vt molar, atque eius immoler obsequio.

Sed Parca vt parcunt, vt luci lumine lucent,

Vt bellum, bellum est, sic Wilibroddus ego.

Sciendum etiam est, eum barbarum fuisse dictum à Græcis, per ono-
matopæiam, qui aliam linguam quam Græcam sonaret. deinde à
Romanis, qui aliam quam Græcam, vel Romanam, postea; qui aliam
quamvis à patria lingua diuersam loqueretur, eò quod à suis non in-
telligeretur. Vnde Anacharsis Scytha cùm ab Atheniensibus ridere-
tur quasi Barbarus, aptè respondit : *Scytha Barbari sunt apud Athenien-
ses, & aquæ hi Barbari sunt apud Scythas.* prout Galli apud Flandros, &
Flandri apud Gallos.

Fuit autem hic Magnus Apostolus Belgarum, de natione Anglo-
saxonum, quam Caudatam olim dixerunt, vnde etiamnum hodie
prouerbium de tota illa gente, apud omnes gentes, nostrosque Bel-
gas perseuerat : *Een Engelsmans, een steertman.* & nuper Rember-
tus Cornutibius poëta Laureatus :

Quod si Britanno s. computas

Et numerosam classem;

Caudata hac est natio,

Non valet vnum assēm.

Sed vitiosum argumentum est quod à parte procedit ad totum, &
punitionem quæ cælitus descendit in paucos, deriuat in omnes. In
F2.e.9 de paucos dico, scribit enim Ioannes Maior Anglorum vicinus, quod
geit. Ang. cùm S. Augustinus à Gregorio Magno in Angliam missus, per Ro-
& Scot. chestriam transiret, ibique Euangelium Christi prædicaret, contra
virum Dei, piscium caudas vulgus proiecerit eum irridendo & ca-
lumniando. Quare numē supplex, inquit, Augustinus implorat, qua-
tenus

1751

renus illius loci paruuli, caudati in pœnam peccati nascerentur, sicq; moniti disserent non temnere Diuos. & propterea, vt Anglorū Annales recitant, paruuli caudati nascebantur. Ab influentia igitur cæli, has caudas minimè habent. Nec in hac tempestate, homines caudatos illic nasci arbitror; sed ad tempus, vt fidem Doctoris gens incredula daret, hæc pœna inficta est. Scotis & Gallis oppositum assentibus, haut assentior. ita Maior natione Scotus, & professione Theologus, commentarijs in Libros sententiarum, & Matthæum, satis notus. Neque id cuiquam paradoxum, aut incredibile videri debet. De sancto namque Emeberto Cameracensi Episcopo (qui in agro nostro Brabantino, parentibus Witgero Comite & Amelberga Tempore seū Tamisie ad Scaldim Domina, editus fuit) ita scriptum re-
perimus : Hic Sororis suæ Gudilæ (Bruxellensium patrona est) se-
pultæ iam triduo tumulum à latrone pestifero violatum audiens, in-
gemuit, latronemque anathematis vinculo innodauit, immò etiam exerta imprecatione, vt signis fatentibus, saltem posteros non lateret,
obtinuit, hoc modo ; vt si vir esset, claudus vel quolibet modo debi-
lis fieret ; si femina, vitio, quod vulgo dicimus, gutturiat, semper
non careret. Et hoc mirabile dictu : namque omnem ipsam proge-
niem hæc ita postea habere, liber ipse fatetur.

Martyrologium Romanum, vt supra in textu vidimus, refert S. Willibrordum prædicasse Euangelium Christi in Dania. Verum qui res eius gestas accuratius conscriperunt, Danici Apostolatus non meminerunt, quod sciam : sed eius quem magno cum fructu in Friesia, Zelandia, Hollandia, Brabantia, Flandria, atq; Occidentali Fran-
cia exercuit. Cuius sanctissimi Apostoli sui doctrinam, verè Christianam, tot illustribus prodigijs ac miraculis confirmatam, vtinam Batauicæ istæ Provinciæ, quas in Christo genuit, emularentur ac pro-
fiterentur, nec impijs Lutheri, Caluini, Memnonis, aliorumq; id gen-
us monstrorum placitis, nullo vñquam testimonio diuinitus accep-
pto probatis, adhærerent, factæ nobis cum vnius oculis, sub uno Pa-
store, oues in Christo ! Dania verò demum anno 826. per Ebonem
Archiepiscopum Rhemens. & Ansgarium Corbeiæ monachum,
conuersa fuit,

Bar. ann.
826.

Quinto-

K 2